



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o poklonu i davanju saglasnosti na
Ugovor o poklonu putničkog kombi vozila
(Prijedlog)

Predlagač: Gradonačelnik

Obrađivač: Služba za opću upravu i zajedničke poslove

Sarajevo, juli 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. i tačka 10. Statuta Grada Sarajeva („Službene novine Kantona Sarajevo“, broj: 34/08 – prečišćeni tekst, Gradsko vijeće Grada Sarajeva na sjednici od __.__.2020. godine donosi:

(Prijedlog)

ODLUKU
o poklonu i davanju saglasnosti na
Ugovor o poklonu putničkog kombi vozila

Član 1.

Ovom Odlukom Grad Sarajevo poklanja Javnoj ustanovi Dom zdravlja Kantona Sarajevo putničko kombi vozila marke Volkswagen, registarskih oznaka T36-O-403, broj šasije WV2ZZZ7HZJH170963, koje se nalazi u vlasništvu Grada Sarajeva. Predmetno vozilo se poklanja bez ikakve naknade ili tereta.

Član 2.

Ovlašćuje se gradonačelnik Grada Sarajeva da u ime Grada Sarajeva potpiše Ugovor o poklonu putničkog kombi vozila.

Član 3.

Sastavni dio ove Odluke je Ugovor o poklonu putničkog kombi vozila.

Član 4.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA
GRADA SARAJEVA

Dr. Igor Gavrić

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav (1) tačke 2. Statuta Grada Sarajeva, kojim je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje.

Istim članom, stav (1) tačka (10) Statuta Grada Sarajeva propisano je da Gradsko vijeće Grada Sarajeva upravlja i raspolaže imovinom Grada Sarajeva.

RAZLOZI DONOŠENJA

Usljed pogoršanja epidemiološke situacije u Kantonu Sarajevo i sve većeg broja zaraženih korona virusom, povećan je broj pacijenata u domovima zdravlja na području Kantona Sarajevo, što dovodi do enormnog povećanja posla i usluga koje pruža JU Dom zdravlja Kantona Sarajevo, a koje se prevashodno odnose na povećanje broja pregleda pacijenata u kućnim uslovima, transporta pacijenata u izolatorij KCUS, broja laboratorijskih usluga, RTG snimaka pluća i slično.

S tim u vezi, aktom broj: 01-03-7442/20 od 24.07.2020. godine Gradu Sarajevu obratila se JU Dom zdravlja Kantona Sarajevo molbom za donaciju kombi vozila.

Grad Sarajevo je vlasnik kombi vozila marke Volkswagen, registarskih oznaka T36-O-403, broj šasije WV2ZZZ7HZJH170963, koje po specifikacijama odgovara potrebama JU Dom zdravlja Kantona Sarajevo.

Uzimajući u obzir činjenicu da se radi o putničkom kombi vozilu koje se nalazi u vlasništvu Grada Sarajeva, a da shodno odredbama Statuta Grada Sarajeva imovinom Grada Sarajeva upravlja i raspolaže Gradsko vijeće Grada Sarajeva, uvažavajući molbu JU Dom zdravlja Kantona Sarajevo, donesena je ova odluka.

UGOVOR O POKLONU PUTNIČKOG KOMBI VOZILA

Zaključen između ugovornih strana:

1. GRAD SARAJEVO, Hamdije Kreševljakovića broj 3, Sarajevo, kojeg zastupa gradonačelnik mr. Abdulah Skaka (u daljem tekstu: Poklonodavac),
i
2. JU DOM ZDRAVLJA KANTONA SARAJEVO, Vrazova 11, Sarajevo, koju zastupa generalni direktor Muhamed Ahmić (u daljem tekstu: Poklonoprimac).

Član 1.

Poklonodavac je vlasnik kombi vozila marke Volkswagen, registarskih oznaka T36-O-403, broj šasije WV2ZZZ7HZJH170963, koje kao izraz prijateljstva i dobre saradnje, bez ikakve naknade ili tereta, poklanja Poklonoprimcu.

Član 2.

Poklonoprimac prihvata predmet ugovora iz člana 1. ovog i saglasan je da od Poklonodavca primi u vlasništvo predmetno vozilo po osnovu poklona. O izvršenoj primopredaji će biti sastavljen poseban zapisnik.

Član 3.

Poklonodavac je saglasan da se Poklonoprimac može upisati kao vlasnik putničkog kombi vozila iz člana 1. ovog ugovora u registar kod nadležnog organa, bez njegovog naknadnog prisustva i naknadne saglasnosti.

Član 4.

Eventualne troškove u vezi zaključenja ovog ugovora i prenosa prava vlasništva putničkog kombi vozila snosi Poklonoprimac.

Član 5.

Predmetni Ugovor je izraz slobodne volje ugovornih strana, sačinjen bez prevare, prinude, prijetnje i zablude, pa ga kao takvog, ugovorne strane saglasno potpisuju.

Član 6.

Na odnose između ugovornih strana koji nisu regulisani ovim ugovorom primjenjuju se odredbe Zakona o obligacionim odnosima.

Član 7.

U slučaju spora po ovom ugovoru, ugovorne strane će nastojati isti sporazumno riješiti, u protivnom saglasne su da prihvataju nadležnost suda u Sarajevu.

Član 8.

Ovaj ugovor stupa na snagu danom potpisa obje ugovorne strane.

Član 9.

Ugovor je sačinjen u 4 (četiri) istovijetna primjerka, od kojih svaka ugovorna strana zadržava 2 (dva) primjerka ugovora.

Poklonodavac
Grad Sarajevo
Gradonačelnik

mr. Abdulah Skaka

Broj 01/04-
Sarajevo,

Poklonoprimac
JU Dom zdravlja Kantona Sarajevo
generalni direktor

Muhamed Ahmić

Broj:
Sarajevo,



JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 01-03-7442/20
Sarajevo, 24.07.2020.

HITNO!

GRAD SARAJEVO

N/R Gradonačelniku g. Abdulah Skaka

JU Dom zdravlja Kantona Sarajevo izražava svoje poštovanje prema Gradonačelniku g. Abdulahu Skaki i koristim ovu priliku da Vas obavjestim o sljedećem:

JU Dom zdravlja Kantona Sarajevo je ustanova koja pruža primarnu zdravstvenu zaštitu stanovništvu Kantona Sarajevo. Usluge se pružaju u 379 ordinacija na području 89 lokaliteta. Zbog pandemije koronavirusom organizirali smo COVID centar Saraj Polje i dvije COVID ambulante Ilidža i Semizovac kao i punktove za uzimanje briseva u OJ Ilidža, OJ Novi Grad, OJ Novo Sarajevo, OJ Centar, OJ Stari Grad i OJ Vogošća. COVID centar Saraj Polje sadrži trijažni punkt, čisti i infektivni dio, ambulantu porodične medicine, pregled interniste, pulmologa, stomatologa i pedijatra.

Posljednjih sedmica, kao što Vam je poznato, epidemiološka situacija u Kantonu Sarajevo je u pogoršanju i sve je veći broj zaraženih koronavirusom a shodno tome je povećan i tretman njihovih kontakata. Shodno tome povećan je broj pacijenata u JU Dom zdravlja Kantona Sarajevo a obim posla enormno je povećan i usluge kao što su pregledi pacijenata, pregledi pacijenata u kućnim uslovima, transport pacijenata u izolatorij KCUS, broj laboratorijskih usluga, RTG snimke pluća i broj uzetih briseva konstantno rastu.

To stavlja pred naše osoblje sve izazovnije zadatke, a naročito se troše sanitetska vozila koja su praktično non-stop u pogonu, a nemamo ih dovoljno za trenutnu situaciju.

Uzimajući u obzir gore navedeno, ljubazno Vas molim da, ukoliko ste u mogućnosti, razmotrite da JU Dom zdravlja Kantona Sarajevo donirate sljedeće:

1. Kombi vozilo

Koristimo ovu priliku da se još jednom zahvalimo Gradonačelniku g. Abdulahu Skaki, te ponovimo izraze našeg uvažavanja.

DOSTAVITI:

- Naslovu
- a/a



GENERALNI DIREKTOR

Dr Muhamed Ahmić
Spec.neuropsihijatrije